



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Disp. III. De distinctione virtutum

---

[urn:nbn:de:hbz:466:1-77355](#)

Respondeo quod licet voluntas in exercendo A actu iustitiae, & reddendo unicuique quod suum est, patiatur aliquam difficultatem ex passionibus appetitus sentivi provenientem, hoc tamen non est tota difficultas quam patitur in exercitio illius actus, sed simul cum difficultate illa extrinseca, ex passionibus appetitus proveniente, habet aliam sibi intrinsecam, petram ex excessu & improportione hujusmodi actus, non quantum ad speciem, sed quantum ad individuum; cum enim cuiuscumque voluntas sit radicata in hoc numero supposito, determinatur per suam differentiam individualem ad bonum proprii suppositi, subindeque ex majori & vehementiori inclinatione, quam habet ad bonum proprium, à prosecutione boni alieni retardatur: unde ad vincendam hanc difficultatem ponitur in voluntate habitus iustitiae. Ceterum ad proprium bonum honestum voluntas nullam patitur difficultatem intrinsecam, ortam ex excessu & improportione illius, cum tale bonum, neque quantum ad speciem, neque quod ad individuum vires ejus naturales excedat; sed tota difficultas, qua in hujus boni prosecutione reperitur, ex intrinsecis impedimentis, & passionibus immoderatis appetitus sensitivi provenit: unde ad facile & delectabiliter prosequendum tale bonum, nullus in voluntate debet poni habitus virtutis, sed sufficit ponere in appetitu irascibili & concupiscenti virtutes fortitudinis & temperantiae, quibus immoderata illius passiones cohibentur, & temperentur.

Objicies quartò: Humilitas versatur circa bonum proprium; ponitur enim ad moderandum affectum spei, & appetitum propriae excellentiae, ut docet D. Thomas 2. 2. qu. 161. art. 4. Sed humilitas residet in voluntate: Ergo in voluntate ponitur virtus ad attingendum bonum proprium honestum. Major patet, Minor probatur. Idem est subiectum contrariorum: Sed superbia humilitati contraria, est in voluntate, ut docet S. Doctor 2. 2. qu. 162. art. 3. & patet D ex eo quod in Angelis prævaricatoribus, in quibus non est appetitus sensitivus, superbia reputatur: Ergo humilitas in voluntate, non verò in appetitu sensitivo residet.

Respondeo duplē dari humilitatem, unam in voluntate, & aliam in appetitu sensitivo, solumque hanc posteriorem, quæ est pars potentialis temperantiae, verari circa bonum proprium, moderando affectum propriae excellentiae absoluè sumptuè, non curando de subordinatione ad alium; illam verò quæ residet in voluntate, & est pars potentialis iustitiae, respicere bonum alienum, quia respicit propriam excellentiam, non absoluè, sed ut subordinata Deo, cùm importet subjectionem hominis ad Deum, ut docet S. Thomas 2. 2. qu. 161. art. 1. ad 5. his verbis: *Humilitas secundum quod est specialis virsus, præcipue respicit subjectionem hominis ad Deum, propter quem etiam aliis humiliando se subjicit.*

## DISPUTATIO III.

*De distinctione virtutum.**Ad quest. 57. D. Thome.*

**V**ARIÆ solent tradi divisiones virtutis in communi: sed ceteris clarior & comprehendensior ea est, quam S. Doctor hic proponit, quæ scilicet virtus in intellectualem, morallem, & Theologicam distribuitur. De virtutibus intellectualibus & moralibus breviter hīc agemus: de Theologicis verò specialiē tractatum instituimus infra, post tractatum de justificatione impij, & merito justi. Cui alium brevem de quatuor virtutibus Cardinalibus, & virtutis eis oppositis, subnoscemus.

## ARTICVLVS PRIMVS.

*De virtutibus intellectualibus.*

**V**IRTVS intellectualis ea dicitur, quæ perficit intellectum in ordine ad verum, sive speculativum, sive practicum; solerte dividit in quinque species, quæ vocantur intelligentia, seu habitus primorum principiorum, sapientia, scientia, ars, & prudentia. Ratio verò hujus divisionis hæc est: Cū virtus intellectualis perficiat intellectum in ordine ad verum, tot esse debent virtutes intellectuales, quot sunt habitus infallibiliter attingentes verum: Sed habitus infallibiliter attingentes verum sunt tantum quinque enumerati: Ergo illi soli sunt virtutes intellectuales. Major patet, Minor probatur. Verum quod certò & infallibiliter ab intellectu attingi potest, vel est universale, & consequenter necessarium, vel singulare & contingens? Si universale, vel est attingibile immediate, vel absque medio, & ex sola terminorum notitia, ut sunt prima principia? & pro illis ponitur habitus primorum principiorum. Vel est attingibile mediare, & per proprias causas; quæ si fuerint particulares, ponitur scientia; si vero cause fuerint altissimæ & universalissimæ, ponitur sapientia. Si autem tale verum fuerit singulare, vel illud est factibile? & pro illo attingendo ponitur ars: vel agibile? & ad illud attingendum ponitur prudentia.

Præter has quinque virtutes intellectuales, dantur alij habitus seu dispositiones in intellectu, quæ non habent rationem virtutis; quia non attingunt infallibiliter verum, ut sunt fidès humana, opinio, suspicio, dubium, solertia, &c. Differere vero in particulari de prædictis quinque virtutibus intellectualibus, non est hujus loci, cùm de his agatur in Philosophia: unde hīc solūm varias illarum species & divisiones expendemus.

Habitus ergo primorum principiorum dividit in intelligentiam, & synderesim. Illa attingit prima principia speculativa, quæ deserunt ad scientiarum acquisitionem: hæc vero prima principia practica, quæ ad rectam operationem & morum directionem conducunt;

Tt iij

& ad ipsam reduci potest conscientia, quæ ex A vi nominis dicit applicationem scientiæ vel cognitionis ad aliquid, unde propriè neque designat habitum, neque potentiam, sed actum ipsum synderesis.

4. Habitus sapientiæ in duas etiam species distribuitur, nimirum in divinam, quæ est Theologia, cuius objectum est ipsa causa altissima, scilicet Deus, ut cognoscibilis per revelationem mediataam; & in humanam, quæ est Metaphysica, quæ obtinuit etiam nomen sapientiæ, quia versatur circa prima rerum prædicta, ens, verum, bonum, &c. Deumque ut lumine naturali cognoscibilem contemplatur.

5. Scientia vero in tria præcipua genera dividitur, nimirum in scientiam abstracthem à materia intelligibili; sub qua Metaphysica & Dialectica continentur: in scientiam abstracthem à materia sensibili; sub qua sunt Arithmetica (cui subalternatur Musica) & Geometria (cui subalternatur Astrologia) Cosmographia, Geographia, Topographia, Hydrographia, Optica, & Machinativa: & demum in scientiam abstracthem à materia singulari; sub qua continetur solum Physica, cui subalternatur Medicina.

6. Similiter ars dividitur in servilem seu mechanicam, & liberalem; numeranturque sub unaquaque scipem species, quæ hoc distico defingantur.

Lingua, tropus, ratio, numerus, tonus, angulus, astra.

Rus, nemus, arma, rates, vulnera, lana, faber.

Primus versus complectitur septem liberales: nam lingua designat Grammaticam, tropus Rhetoricam, ratio Dialecticam, numerus Arithmetican, tonus Musicam (sub qua videtur contineri Poëtica, cum omnibus suis speciebus, quamvis possit etiam reduci ad Rheticam) angulus Geometriam, & astra Astrologiam.

Secundus versus continet artes serviles: ruis enim designat agriculturam, nemus artem veneratoriam & pectoriam, arma militatem, rates nauticam, vulnera chirurgicam, barbitoniarum, & pharmacopoleam, lana textoriam, fitoriam, & similes, faber fabrilem, quæ comprehendit argenteriam, deauratricem, ferrariam, carpentariam, sculptricem & hujusmodi.

De prudentia, & partibus ejus, variisque ejus speciebus, in tractatu de quatuor virtutibus Cardinalibus differemus.

#### ARTICVLVS II.

##### De virtutibus moralibus.

7. PRÆTER virtutes intellectuales, quæ resident in intellectu, dantur aliæ morales, quæ subiectantur in voluntate, & in appetitu sensitivo, & dividi solent in virtutes operationum, & passionum, seu in eas quæ circa operationes, & circa passiones verlantur: ut hinc appareat necessitatem omnium virtutum puræ moralium non esse ex eodem fonte, sed earum aliquas necessarias esse propter operationes ipsas secundum se, etiam si nulla passio obsteret, cuiusmodi est justitia, & annexæ ei virtutes secundatim; qualidam vero, nempe temperantiam, & fortitudinem, eisque subiectas virtu-

tes, solum esse necessarias propter vincendas passiones contrarias, aut leniendam difficultatem ex illarum consortio vel immoderantia provenientem. Hæc duo membra sub aliis vocibus interdum proponuntur: nam virtutes quæ circa passiones occupantur, dicuntur virtutes ad se; nimirum quia dominis passionibus, homo in se ipso optimè componitur; reddendo autem cuicunque suum (quod fit cum operationes ex virtute justitiae exercentur) bene erga alios affectur.

Dividuntur etiam à Platonis virtutes morales in politicas, purgativas, purgati animi, & exemplares: cujus divisionis meminit S. Thomas h[oc] qu. 61. artic. 5. Politicæ illæ sunt, quibus homo bene se habet in rebus humanis gerendis. Purgatoria, quæ animum purgant & ordinant ad contemplationem divinorum. Purgati animi, quæ animum totaliter purgant à terrenarum labo cupiditatum, ita ut ex abundantia contemplationis passiones non amplius sentiantur, quod est tantum Beatorum, vel aliquorum in hac vita perfectorum. Demum exdem virtutes exemplares dicuntur, prout inventiuntur in Deo, in quo est exemplar, & idea omnium virtutum quæ in nobis sunt, per imitationem enim divina justitia sumus justi, & per imitationem perfectionis divinae, perfecti, juxta illud Matth. 5. Estote perfecti, sicut & Pater vester caelitus perfectus est.

C Hanç divisionem eleganter explicat Macробius lib. i. super somnium Scipionis cap. 8. ubi sic ait: Exemplares virtutes illæ sunt quæ in ipsa divina mente consistunt, à quarum exemplo reliqua omnes per ordinem descent. Nam si rerum aliarum, muliò magis virtutum ideas esse in mente divina credendum est. Illic prudens est mens ipsa divina: Temperantia, quod in se perpetua intentione conversa est. Fortitudo, quod semper idem est, nec aliquando mutatur: Justitia, quod perenni lege à sempiterna sui operis continuatione non efficitur.

D De politicis, per quas boni viri Reipublicæ consulunt, ait: quæda politica prudens est ad rationem normam quæ cogitat & agit universa dirigere, ac nihil præter rectum velle vel facere, humanisque actibus (tanquam diis arbitris) providere: fortitudinis est, animum supra periculi metum agere, nihilque nisi turpia timere, tolerare fortiter vel adversa, vel prospera; temperantia, nihil appetere panitendum, in nullo legem moderationis excedere, sub jugum rationis cupiditatem domare: justitia, servare unicuique quod suum est. Et mox: His virtutibus vir bonus prius sibi atque inde Reipublica Rektor effectur, justæ ac providè gubernans humana, divinanon deserens.

E De purgatoriis, quas Philosophantium virtutes vocat, hæc scribit: Prudentia est mundum istum, & omnia quæ mundo insunt, divinarum contemplatione despiciere, omnemque anima cogitationem in sola divina dirigere: temperantia, omnia relinquare, in quantum natura patitur quæ corporis usus requirit; fortitudinis, non terreri animam, à corpore quadammodo, ducta Philosophie recedentem, nec altitudinem perfectam ad superna ascensionis horrere; justitia, ad unam sibi hujus propositi consentire viam, uniusque virtutis obsequium.

Demum de jam purgati ac deterisi animi virtutibus inquit, quod prudentia est divina solanoesse,

& hac tanquam nihil sit aliud, intueri; tempe-  
rania, terrenas cupiditates non reprimere, sed  
penitus oblivisci; foritudo, passiones ignorare, non vincere; iustitia, ita cum divina mente  
sociari, ut servet perpetuum cum ea fœdus imi-  
tando.

9. Disputant vero Theologi, an hæc divisio  
sit in diversas species virtutis, vel solum in  
diversos status ejusdem virtutis? Quæ diffi-  
cultas non procedit de virtutibus exemplari-  
bus: cùm enim virtutes illæ non sint humanae,  
sed divinae, evidens est illæ plusquam specie  
differe à nostris. Solum ergo queritur de aliis  
tribus, quæ politica, purgatoria, & purgati  
animi dicuntur, an essentialiter different, &  
dividant genus virritatis, an solum accidentaliter,  
& penes diversos status ejusdem virtutis?

10. Respondeo breviter cum Caetano & aliis  
Thomistis, has tres virtutes, politicas, pur-  
gatorias, & purgati animi, non esse specie diver-  
tas, sed diversos status ejusdem virtutis, secundum  
diversas perfectiones; sicut pueritia,  
adolescentia, & virilitas, non faciunt diver-  
sos homines, sed diversos status ejusdem homini-  
nis. Idem enim habitus qui initio sunt virtutes  
politicae, quæ passiones ad medium rationis re-  
ducunt (per quod homo fit animal perfectè politicum, & rectè disponit ut bene se habeat  
in rebus humanis gerendis) proficiunt intantum  
ut passionum immoderantiam tollant, & tan-  
dem usque adeò ascendunt, ut animum omnino  
purgent à terrenis cupiditatibus, & passio-  
num perturbationibus liberent.

11. Confirmatur: Omnes virtutes morales, quas  
habemus in via, post resurrectionem remane-  
bunt in patria eadem specie, & aliquando eadem  
numero: Sed in patria omnes sunt purgati  
animi, in via autem ut plurimum politica, vel  
ad summum purgatoria: Igitur hæc divisio est  
in diversos status accidentales virtutis. Nec ob-  
stat quod habent diversos actus: illi enim non  
differunt essentialiter, sed tantum accidentaliter,  
quia semper producuntur sub eadem ratio-  
ne formalis uniti & ejusdem virtutis.

12. Solet etiam dividere virtus moralis in heroicam  
& communem, seu vulgarem. Quæ distinc-  
tio sumpta est ex Aristotele 7. Ethicorum, ubi  
cum distinxisset tria circa mores fugienda,  
vitium, incontinentiam, feritatem; vitio ait  
opponi virtutem, nempe vulgarem & communi-  
nem dicunt, continentia vero incontinentiam;  
tandem feritatem (quæ est status virtutis deterius  
& immanis; quo homo in bestiam prope dege-  
nerat) virtutem heroicam, quæ sive ob excellen-  
tiam operis, sive ob circumstantiam interve-  
nientem, quæ opus reddat difficultatum, erum-  
pit in actum superantem communem modum  
operandi humanum.

Hac etiam diviso non est essentialis, sed dun-  
taxat accidentalis: cùm enim sit eadem virtus  
communis & heroicæ ratio motiva, eadem item  
utriusque natura & subiectum, non est unde  
eas virtutes separamus specie, sed sufficit si  
status & perfectione accidentaria distinguantur;  
quo pacto vir à puer perfectione clientia-  
linon differt, sed status intra eandem speciem  
vario.

A

## DISPUTATIO IV.

*De virtutibus moralibus infusis.**Ad questionem 63. Divi Thome.*

**H**VC usque egimus de virtutibus mor-  
alibus acquisitis, quæ à ratione naturali  
dependent, & ex ejus influxu in nobis  
causantur: nunc disputandum est de aliis virtu-  
tibus moralibus, quæ ab aliquo alio altiori prin-  
cipio, scilicet Deo, caufantur in nobis, & unā  
cum gratia habituali infunduntur; idèque in-  
fusa appellantur: de quibus disserit S. Thomas  
hic qu. 6, art. 3. & 4.

## ARTICVLVS PRIMVS.

*An dentur in nobis virtutes morales per  
se infuse?*

**Q**UOD dentur virtutes aliqua per se infu-  
se, nempe Theologæ, fides, spes, & chari-  
tas, certum & indubitatum est apud Theolo-  
gos, ac definitum in Concilio Tridentino self.,  
6. cap. 7. his verbis: *In ipsa iustificatione cum  
remissione peccatorum hæc omnia simul infusa ac-  
cepit homo per Jesum Christum, cui inheruit, fi-  
dem, spem, & charitatem.* Unde solum diffi-  
cultas est & controversia inter Theologos, an  
præter virtutes Theologicas dentur etiam virtu-  
tes morales per se infuse cum gratia sanctificante,  
& cum ea indissolubilitate connexæ, tem-  
perantia scilicet, fortitudo, iustitia, & pru-  
dentia, quæ ab acquisitis specie & essentialiter  
distinguuntur? Ad cujus evidentiam

Scendum est, quod aliqua virtus potest  
esse infusa dupliciter, vel per se, vel per ac-  
cidens. Est infusa per se, quando ex propria  
nature haber ut à solo Deo effectivè producatur,  
quia est ordinis supernaturalis & divini. Et hoc  
modo charitas, & aliae virtutes Theologicas,  
dicuntur per se infuse, quia à natura nulla sunt  
indita principia quibus acquirantur. Dicitur autem  
virtus infusa per accidens, quando ex pro-  
pria natura haber ut possit per actus nostros ac-  
quiri, & tamen per accidens, ex aliqua dispensa-  
tione divina, alicui infunditur: & hoc pa-  
cte dicuntur infuse Primo Parenti, & etiam  
Christo Domino, virtutes ex genere suo ac-  
quisibilis. Præfens ergo difficultas non proce-  
dit de virtutibus hoc secundo modo infusis, sed  
de virtutibus moralibus infusis per se, seu quæ  
de se, & ex natura sua petunt à Deo infundi.  
Has enim negant Scotus, & ejus Discipuli; ad-  
mittunt vero cæteri Theologi, cum S. Thoma  
hic art. 3. Scotti sententiam, ut erroneam, vel  
temerariam, aut saltem ut omnino improbabili-  
lem, post definitionem Clementis V. in Conci-  
lio Viennensi, rejicientes.

